

竹林紀年  
卷之二

竹書紀年 目錄

卷上

黃帝軒轅氏

帝摯少昊氏

帝顓頊高陽氏

帝嚳高辛氏

帝堯陶唐氏

帝舜有虞氏

帝禹夏后氏

帝啓

帝太康

帝仲康

帝相

帝少康

帝杼

帝芬

帝若

帝泄

帝不降

帝扃

帝厔

帝孔甲

帝昊

帝發

帝癸

殷商成湯

外丙

仲壬

太甲

沃丁

小庚

小甲

雍已

太戊

仲丁

外壬

河亶甲

祖乙

祖辛

開甲

祖丁

南庚

陽甲

盤庚

小辛

小乙

武丁

祖庚

祖甲

馮辛

庚丁

武乙

文丁

帝辛

帝乙

卷下

周武王

成王

康王

昭王

穆王

共王

懿王

孝王

夷王

厲王

宣王

幽王

平王

桓王

釐王

惠王

襄王

頃王

匡王

定王

簡王

靈王

景王

敬王

元王

貞定王

考王

威烈王

安王

烈王

顯王

慎靚王

隱王

自錄終

竹書紀年卷上

梁沈約附註 金谿王賢楷校

黃帝軒轅氏

母曰附寶見大電繞北斗樞星光照郊野感而孕二十五月而生帝於壽丘弱而能言龍顏有聖德効百神朝而使之應龍攻蚩尤戰虎豹熊羆四獸之力以女魃止淫雨天下既定聖德光被群瑞畢臻有屈軼之草生於庭佞人入朝則草指之是以佞人不敢進

元年帝卽位居有熊 初制冕服

二十年景雲見以雲紀官

有景雲之瑞赤方氣與青方氣相連赤方中有兩  
星青方中有一星凡三星皆黃色以天清明時見  
於攝提名曰景星帝黃服齋于中宮坐于元扈洛  
水之上有鳳凰集不食生蟲不履生草或止帝之  
東園或巢於阿閣或鳴於庭其雄自歌其雌自舞  
麒麟在固神鳥來儀有大蠻如羊大蠻如虹帝以  
土氣勝遂以土德王

而十年秋七月庚申鳳鳥至帝祭于洛水

庚申天霧三日三夜晝昏帝問天老力牧容成曰  
於公何如天老曰臣聞之國安其主好文則鳳凰  
居之國亂其主好武則鳳凰去之今鳳凰翔於東  
郊而樂之其鳴音中夷則與天相副以是觀之天  
有嚴教以賜帝帝勿犯也召史卜之龜燋史曰臣  
不能占也其間之聖人帝曰已問天老力牧容成  
矣史北面再拜曰龜不違聖智故燋霧旣降游于  
洛水之上見大魚殺五牲以醮之天乃甚雨七日

七夜魚流於海得圖書焉龍圖出河龜書出洛赤文篆字以授軒轅接萬神於明庭今塞門谷口是也

五十九年貫胸氏來賓 長股氏來賓

七十七年昌意降居若水產帝乾荒

一百年地裂 帝陟

帝王之崩皆曰陟書稱新陟王謂新崩也帝以土德王應地裂而陟葬群臣有左徹者感恩帝德取衣冠几杖而廟饗之諸侯大夫歲時朝焉

帝摯少昊氏

約按帝摯少昊氏母曰女節見星如虹下流華渚  
旣而夢接意感生少昊登帝位有鳳凰之瑞或曰  
名清不居帝位帥鳥師居西方以鳥紀官

帝顓頊高陽氏

母曰女樞見瑤光之星貫月如虹感已於幽房之  
宮生顓頊於若水首戴干戈有聖德生十年而佐  
少昊氏二十而登帝位

元年帝卽位居濮

十三年初作厯象

二十一年作承雲之樂

三十年帝產伯鯀居天穆之陽

七十八年帝陟 術器作亂辛侯滅之

帝譽高辛氏

生而駢齒有聖德初封辛侯代高陽氏王天下使  
鼓人拊鞚鼓擊鐘磬鳳凰鼓翼而舞

元年帝卽位居毫

十六年帝使重帥師滅有鄧

四十五年帝錫唐侯命

六十三年帝陟

帝子摯立九年而廢

帝堯陶唐氏

母曰慶都生於斗縱之野常有黃雲覆其上及長  
觀于三河常有龍隨之一旦龍負圖而至其文要  
日亦受天祐眉八彩鬚髮長七尺二寸面銳上豐  
下足履翼宿旣而陰風四合赤龍感之孕十四月  
而生堯於丹陵其狀如圖及長身長十尺有聖德

封於唐夢攀天而上高辛氏衰天下歸之

元年丙子帝卽位居冀 命羲和厯象

五年初巡狩四岳

七年有麟

十二年初治兵

十六年渠搜氏來賓

十九年命共工治河

二十九年春僬僥氏來朝貢沒羽

四十二年景星見于翼

五十年帝遊于首山乘素車元駒

五十三年帝祭于洛

五十八年帝使后稷放帝子朱于丹水

六十一年命崇伯鯀治河

六十九年黜崇伯鯀

七十年春正月帝使四岳錫虞舜命

帝在位七十年景星出翼鳳凰在庭朱草生嘉禾  
秀甘露潤醴泉出日月如合璧五星如連珠厨中  
自生肉其薄如筭搖動則風生食物寒而不臭名

曰筭脯又有草莢階而生月朔始生一莢月半而  
生十五莢十六日以後日落一莢及晦而盡月小  
則一莢焦而不落名曰蓂莢一日歷莢洪水旣平  
歸功於舜將以天下禪之乃潔齊修壇場於河洛  
擇良日率舜等升首山遯河渚有五老游焉蓋五  
星之精也相謂曰河圖將來告帝以期知我者重  
暉黃姚五老因飛爲流星上入昴二月辛丑昧明  
禮備至於日晏榮光出河休氣四塞白雲起回風  
搖乃有龍馬銜甲赤文綠色綠壇而上吐甲圖而